

以前外從五位下守大判事物部中原宿禰敏久申稱二省所論具件如前然檢令條云公會之儀隨事立例不必一途何者元日大嘗等會式部總攝掌之季祿大祓等儀數省共相行之但大同二年明法曹司答曰依令式部兵部各掌文武官名帳但行立次第須文武混雜式兵二省不可各別者此隨式部所問之旨只舉彼省所掌之儀公式令云文武職事散官朝參行立各依位次爲序位同者五位已上即用授位先後六位已下以齒者此文既云文武職事散官朝參各依位次即明元日大嘗等儀不論文武混雜行列者也其至如賜祿省○省上恐俱掌理須文武分別不可混雜列立者被右大臣宣稱奉勅宣依敏久所申行之

弘仁六年十一月十四日

〔延喜式十九部〕諸司進祿文并給○中

廿二日○二月八月平旦分史生爲六番預遣省掌於大藏省召詳諸司令進直丁運積祿物掃部寮設省掌以上座於藏下輔以下引就座省掌置版位六番史生分當諸司詳會祿文大藏錄執名簿引史生以下藏部以上就版位進之積祿物訖大藏錄就辨官版位申積祿訖辨令官掌召省錄稱唯進辨大夫命曰祿速令給錄稱唯還申輔俱就列隨色重行立定辨大夫進出宣命五位以上六位以下稱唯再拜舞踏如常儀初掃部寮設諸司座於祿物下辨官以下依次就座訖辨大夫命曰令給二省輔稱唯即命諸番史生云給之史生共起稱唯起自一番披簿唱之諸司主典隨唱稱唯進史生宣示給物色數藏部承命計授且申其數史生各記之大藏亦如之諸番給訖各依次申給訖狀錄起進申曰祿給訖辨官判命之錄稱唯退諸司以次退儀式其後大藏注殘祿數移省即計會報移

〔延喜式十一太〕凡諸司春夏祿及皇親時服者中務式部兵部等省錄人物數二月十日辨官三省申太

政官太政官總造日三日下符式部即錄三省所申總自十五日少納言奏之廿日官符下大藏廿二日出

給女官祿者廿辨大夫宣命其辭曰今宣波常給布春夏祿給波久宣女官者中秋冬准此事見式